

添品妙法蓮華經卷第三

一百三十二  
樹六

添品妙法蓮華經卷第三

樹

隋三藏崛多笈多三法師添品

藥草喻品第五

尔時世尊告摩訶迦葉及諸大弟子善哉善哉迦葉善說如來真實功德誠如所言如來復有無量無邊阿僧祇功德汝等若於無量

億劫說不能盡迦葉當知如來是諸法之王若有所說皆不虛也於一切法以智方便而演說之其所說法皆悉到於一切智地如來觀知一切諸法之所歸趣亦知一切衆生深心所行通達無礙又於諸法究盡明了示諸衆生一切智慧迦葉譬如三千大千世界山

45097



川谿谷土地所生卉木叢林及諸藥草種類  
若干名色各異密雲弥布遍覆三千大千世  
界一時等澍其澤普洽卉木叢林及諸藥草  
小根小莖小枝小葉中根中莖中枝中葉大  
根大莖大枝大葉諸樹大小隨上中下各有  
所受一雲所雨稱其種性而得生長華果敷  
實雖一地所生一雨所潤而諸草木各有美  
別迦葉當知如來亦復如是出現於世如大  
雲起以大音聲普遍世界天人阿脩羅等如  
彼大雲遍覆三千大千國土於大眾中而唱  
是言我是如來應供正徧知明行足善逝世  
間解無上士調御丈夫天人師佛世尊未度

者今度未解者今解未安者今安未涅槃者  
今得涅槃今世後世如實知之我是一切知  
者一切見者知道者開道者說道者汝等天  
人阿脩羅衆皆應到此爲聽法故尔時無數  
千萬億種衆生來至佛所而聽法如來于時  
觀是衆生諸根利鈍精進懈怠隨其所堪而  
爲說法種種無量皆令歡喜使得善利是時  
衆生聞是法已現世安隱後生善處以道受  
樂亦得聞法既聞法已離諸障礙於諸法中  
任力所能漸得入道如彼大雲雨於一切卉  
木叢林及諸藥草如其種性具足蒙潤各得  
生長如來說法一相一味所謂解脫相離相

滅相究竟至於一切種智其有衆生聞如來  
法若持讀誦如說修行所得功德不自覺知  
所以者何惟有如來知此衆生種相體性念  
何事思何事修何事云何念云何思云何修  
以何法念以何法思以何法修以何法得何  
法衆生住於種種之地惟有如來如實見之  
明了無礙如彼卉木叢林諸藥草等而不自  
知上中下性如來知是一相一味之法所謂  
解脫相離相滅相究竟涅槃常寂滅相終歸  
於空佛知是已觀衆生心欲而將護之是故  
不即爲說一切種智汝等迦葉甚爲希有能  
知如來隨宜說法能信能受所以者何諸佛

世尊隨宜說法難解難知今時世尊欲重宣此義而說偈言

破有法王出現世間隨衆生欲種種說法

如來尊重智慧深遠久默斯要不務速說

有智若聞則能信解無智疑悔則為永失

是故迦葉隨力為說以種種緣今得正見

迦葉當知譬如大雲起於世間遍覆一切

慧雲含潤電光是曜雷聲遠震令衆悅豫

日光掩蔽地上清涼雲霓垂布如可承攬

其雨普等四方俱下流澍無量率土充洽

山川險谷幽邃所生卉木藥草大小諸樹

百穀苗稼甘蔗葡萄雨之所潤無不豐足

乾地普洽。藥草並茂。其雲所出。一味之水。  
草木叢林。隨分受潤。一切諸樹。上中下等。  
稱其大小。各得生長。根莖枝葉。華果光色。  
一雨所及。皆得鮮澤。如其體相。性分大小。  
所潤是一。而各滋茂。佛亦如是。出現於世。  
譬如大雲。普覆一切。既出于世。為諸衆生。  
分別演說。諸法之實。大聖世尊。於諸天人。  
一切衆中。而宣是言。我為如來。兩足之尊。  
出于世間。猶如大雲。充潤一切。枯槁衆生。  
皆令離苦。得安隱樂。世間之樂。及涅槃樂。  
諸天人衆。一心善聽。皆應到此。覲無上尊。  
我為世尊。無能及者。安隱衆生。故現於世。

為大衆說甘露淨法其法一味解脫涅槃  
以一妙音演暢斯義常為大乘而作因緣  
我觀一切普皆平等無有彼此愛憎之心  
我無貪著亦無限礙恒為一切平等說法  
如為一人衆多亦然常演說法曾無他事  
去來坐立終不疲厭充足世間如雨普潤  
貴賤上下持戒毀戒威儀具足及不具足  
正見邪見利根鈍根等雨法雨而不懈倦  
一切衆生聞我法者隨力所受住於諸地  
或處人天轉輪聖王釋梵諸王是小藥草  
知無漏法能得涅槃起六神通及得三昧  
獨處山林常行禪定得緣覺證是中藥草



求世尊處我當作佛行精進定是上藥草  
又諸佛子專心佛道常行慈悲自知作佛  
決定無疑是名小樹安住神通轉不退輪  
度無量億百千衆生如是菩薩名為大樹  
佛平等說如一味雨隨衆生性所受不同  
如彼草木所稟各異佛以此喻方便開示  
種種言詞演說一法於佛智慧如海一滴  
我雨法雨充滿世間一味之法隨力修行  
如彼叢林藥草諸樹隨其大小漸增茂好  
諸佛之法常以一味令諸世間普得具足  
漸次修行皆得道果聲聞緣覺處於山林  
任最後身聞法得果是名藥草各得增長

若諸菩薩智慧堅固了達三界求最上乘  
是名小樹而得增長復有任禪得神通力  
聞諸法空心大歡喜放無數光度諸衆生  
是名大樹而得增長如是迦葉佛所說法  
譬如大雲以一味雨潤於人華各得成實  
迦葉當知以諸因緣種種譬喻開示佛道  
是我方便諸佛亦然今爲汝等說最實事  
諸聲聞衆皆非滅度汝等所行是菩薩道  
漸漸修學悉當成佛  
復次迦葉如來於諸衆生調伏平等迦葉譬  
如日月光明照於世間若作善若作不善若  
高處住若下處住若香若臭諸處平等光照

無偏如是迦葉如來應正遍知一切智智心  
之光明於諸五趣衆生受生之中如其信解  
大乘緣覺乘聲聞乘中爲說正法平等而轉  
如來智慧亦無增減如其福智聚集而生迦  
葉無有三乘唯彼衆生別異行故施設三乘  
慧命摩訶迦葉白佛言世尊若無三乘何故  
現世施設聲聞緣覺菩薩佛告慧命摩訶迦  
葉譬言如作瓦器者等和土泥而用作器彼中  
或有盛沙糖器或盛蘇器或盛乳酪器或盛  
惡糞穢器泥亦無有種種別異而物著中隨  
所受量器則種種別異施設如是迦葉此唯  
一乘所謂大乘無有二乘及以三乘慧命摩

訶迦葉白佛言。世尊。彼諸衆生。種種信解。若  
出三界。彼等爲一。涅槃爲當。二三佛告。慧命  
摩訶迦葉。若覺諸法體等。涅槃。彼亦唯一。無  
有二三。迦葉。以彼義。故我當爲汝作喻。以此  
喻。故有智丈夫。則當解我所說之義。迦葉。譬  
如生盲丈夫。作如是言。無有好惡等色。亦無  
好惡等色。可見。無有日月星宿等。亦無星宿  
等。可見。有異丈夫。於彼生盲者。前說如是言。  
有好惡等色。亦有好惡等色。可見。有日月星  
宿等。亦有星宿等。可見。生盲丈夫。雖聞其說。  
而不信受。時有良醫。能知諸病。見彼生盲丈  
夫。如是念言。其彼丈夫。先有惡業。今有病生。

若其病生則有四種所謂風黃與癢及以等  
分時彼良醫爲欲滅其病故又復方便如是  
思惟所有藥物世所行者彼等不能療治此  
病唯雪山王有四種藥何等爲四所謂初名  
順入諸色味處二名解脫諸病三名破壞諸  
毒四名隨所住處施與安樂是爲四種時彼  
良醫於生盲所發生悲愍興起如是方便思  
惟以彼方便詣雪山王到已上頂或下入或  
傍行周遍觀察旣觀察已得四種藥於中或  
以齒等咀嚼作已與之或以石磨或復和別  
藥物煮熟與之或復和生藥物作已與之或  
針刺身與作孔穴或有與火灸燒或以別異

藥物相和乃至飲食和而與之時彼生盲以  
方便相應故即時得眼彼得眼已內外遠近  
日月光明星宿諸色皆悉得見說如是言嗚  
呼我甚愚癡我聞先說本不信受我今此時  
皆悉得見我盲已脫亦已得眼無勝我者彼  
時復有五通仙人天眼天耳了知他心憶念  
宿住善證智通語丈夫言丈夫汝唯得眼餘  
無一知汝今何故已生憍慢汝亦未有智慧  
善巧彼復作如是言丈夫汝入室坐外有別  
色不見不知汝亦不知衆生善心惡心五踰  
闍那邊住所有言說敲貝等聲汝亦不聞不  
知拘盧舍邊不舉兩足不能往到及生長已

母胎作業汝亦不念云何汝有巧智云何作  
如是言我悉得見又汝丈夫暗作明知明作  
暗知時彼丈夫語仙人言以何方便又作何  
等清淨業已當得是智及於汝等淨信力故  
我亦當得如此功德時彼仙人語丈夫言若  
欲如是汝應當住空閑山窟坐思念法及斷  
煩惱當得神通具足功德時彼丈夫受其義  
已即行出家住空閑處專守一心斷世渴愛  
得五神通既得五神通已思惟我先作於別  
業以彼因故無一功德可以證知我今此時  
隨所思念即能得去我於答時少智少慧有  
盲而住迦葉作此譬喻欲令知義於此義中

復應當見迦葉其生盲者即是六趣流轉中  
住所有衆生若於正法未有知覺煩惱盲暗  
則當增長及彼無明暗冥以無明暗冥故行  
業聚集以行業爲緣故名色乃至唯有大苦  
之聚積集當生如是無明暗冥衆生流轉中  
住唯有如來超出三界發生悲愍亦如慈父  
愛念一子發悲愍已下入三界見彼衆生於  
流轉輪中行不如實知出離流轉佛以佛眼  
而觀見之見已了知此等衆生先世作善少  
瞋厚欲少欲厚瞋或有少智或有巧慧或有  
成熟清淨或有邪見彼等衆生佛爲方便巧  
說三乘如彼仙人五通淨眼者即是菩薩菩



提心生得無生忍證覺無上正直真之覺如彼  
大醫卽是如來當如是見如彼生盲卽是癡  
闇衆生當如是見如彼風黃瘰等卽是欲瞋  
及癡六十二見當如是見如四種藥卽是空  
無相無願涅槃門當如是見隨所服藥其病  
隨滅卽是空無相無願解脫門正修念已無  
明當滅無明滅故行滅乃至唯有大苦聚滅  
如是思惟不住善中亦不惡中如盲得眼卽  
是聲聞緣覺乘當知是見割斷流轉煩惱繫  
縛解脫煩惱解脫六趣及以三界以彼義故  
聲聞乘者如是念言無有別法更須證覺我  
今已得到於涅槃時如來為彼說法若於

諸法未能悉到何處彼有究竟涅槃彼等佛  
以菩提教化發菩提心不住流轉不到涅槃  
彼悟三界十方空寂皆如化夢及以焰響觀  
見諸法不生不滅不縛不解不暗不明如是  
見甚深法彼見亦無所見而亦恒見滿諸三  
界別異衆生心之信解今時世尊欲重宣此  
義而說偈言  
譬言如日月光 平等照三千  
而光無增減 如來智慧光  
教化諸衆生 無增亦無減  
平等和土泥 於中器或盛  
或有盛不淨 或有盛於酪  
彼唯取一泥 沙糖乳蘇水

瓦師用為器  
如衆生無餘  
決定唯佛乘  
若人能知空  
所得正直覺  
空智教化已

若物墮其中  
如來隨別欲  
無智故輪轉  
遠離於法我  
安置處中智  
顯名為聲聞

因彼知器名  
雖說乘差別  
而不知寂滅  
彼知佛世尊  
說名緣覺者  
若能覺諸法

說名正徧知  
彼便如是言  
為其入慈愍  
求得於良藥  
和合而療治  
或以針入身

如有生盲者  
無有諸色類  
往詣雪山已  
順入色味處  
或有用齒齧  
療治生盲者

不見日月星  
大醫於生盲  
上下及傍行  
如是等四種  
或有以石磨  
彼既得眼已

即見日月光  
是流轉衆生  
無智受苦道  
如來大良醫  
演說寂正法  
廣說處中際  
爲讚異菩提  
如是念我得  
涅槃甘露處  
告言汝愚癡  
汝任彼中時  
若任彼中時

復作如是念  
生盲大無智  
無智癡世中  
出生悲愍體  
無上佛覺智  
中智導師者  
出離三界已  
涅槃無垢安  
大仙於彼故  
莫念我是智  
外有則不知  
知外作未作

昔時無智說  
緣生轉所運  
如是一切智  
彼以善方便  
演說最勝乘  
怖畏於流轉  
聲聞自知任  
當得諸法覺  
爲其入悲愍  
若有於倉舍  
汝是小智者  
彼亦未是知

況汝小智者  
汝不能聞彼  
若愛若惡心  
欲向俱盧舍  
汝亦忘彼時  
汝癡無一知  
出生於神通  
思惟清淨法  
思惟入靜定  
如是諸聲聞  
小息非涅槃  
若離一切智

五踰闍那量  
何況別遠任  
汝不能知彼  
不步不能往  
若得五神通  
而說是智者  
若任空閑處  
則當得神通  
得五神通已  
念得涅槃想  
是諸佛方便  
無有發涅槃

若有音聲出  
他人於汝所  
如何生普慢  
汝胎所有事  
乃名一切智  
汝欲一切智  
神通則可出  
受義詣空閑  
不久具功德  
諸佛說彼等  
為說如此道  
三世智無邊

六度行清淨

空寂及無相

作願亦除捨

及以菩提心

別法向涅槃

及四種梵行

四攝亦讚說

為教化衆生

勝仙而說此

若復知諸法

自性如幻夢

不實似芭蕉

亦與音響等

及知彼自性

三界無餘殘

不縛亦不解

不知於滅度

諸法平等空

無有異體者

此亦無所見

不觀於一法

彼見大智者

法身無餘殘

無有於三乘

一乘此中有

諸法皆平等

平等常等等

知如是智已

涅槃甘露安

妙法蓮華經授記品第六

尔時世尊說是偈已告諸大衆唱如是言我

此弟子摩訶迦葉於未來世當得奉覲三百  
萬億諸佛世尊供養恭敬尊重讚歎廣宣諸  
佛無量大法於最後身得成爲佛名曰光明  
如來應供正徧知明行足善逝世間解無上  
士調御丈夫天人師佛世尊國名光德劫名  
大莊嚴佛壽十二小劫正法住世二十小劫  
像法亦住二十小劫國界嚴飾無諸穢惡瓦  
礫荆棘便利不淨其土平正無有高下坑坎  
堆阜瑠璃爲地寶樹行列黃金爲繩以界道  
側散諸寶華周遍清淨其國菩薩無量千億  
諸聲聞衆亦復無數無有魔事雖有魔及魔  
民皆護佛法小時世尊欲重宣此義而說偈言

告諸比丘我以佛眼見是迦葉於未來世  
過無數劫當得作佛而於來世供養奉覲  
三百萬億諸佛世尊為佛智慧淨修梵行  
供養最上二足尊已修習一切無上之慧  
於最後身得成為佛其土清淨瑠璃為地  
多諸寶樹行列道側金繩界道見者歡喜  
常出好香散眾名華種種奇妙以為莊嚴  
其地平正無有丘坑諸菩薩眾不可稱計  
其心調柔逮大神通奉持諸佛大乘經典  
諸聲聞眾無漏後身法王之子亦不可計  
乃以天眼不能數知其佛當壽十二小劫  
正法住世二十小劫像法亦住二十小劫



光明世尊其事如是

尔時大目犍連須菩提摩訶迦旃延等皆悉  
悚慄一心合掌瞻仰尊顏目不暫捨即共同  
聲而說偈言

大雄猛世尊

諸釋之法王

哀愍我等故

而賜佛音聲

若知我深心

見為授記者

如以甘露灑

除熱得清涼

如從飢國來

忽遇大王膳

心猶懷疑懼

未敢即便食

若復得王教

然後乃敢食

我等亦如是

每惟小乘過

不知當云何

得佛無上慧

雖聞佛音聲

言我等作佛

心尚懷愛懼

如未敢便食

若蒙佛授記

尔乃快安樂

大雄猛世尊 常欲安世間 願賜我等記  
如飢須教食

尔時世尊知諸大弟子心之所念告諸比丘  
是須菩提於當來世奉覲三百萬億那由他  
佛供養恭敬尊重讚歎常修梵行具菩薩道  
於最後身得成爲佛号曰名相如來應供正  
徧知明行足善逝世間解無上士調御丈夫  
天人師佛世尊劫名有寶國名寶生其土平  
正玻瓈爲地寶樹莊嚴無諸丘坑沙礫荆棘  
便利之穢寶華覆地周徧清淨其土人民皆  
處寶臺珍妙樓閣聲聞弟子無量無邊筭數  
譬喻所不能知諸菩薩衆無數千萬億那由

他佛壽十二小劫正法住世二十小劫像法亦任二十小劫其佛常處虛空為衆說法度脫無量菩薩及聲聞衆尔時世尊欲重宣此義而說偈言

諸比丘衆今告汝等皆當一心聽我所說我大弟子須菩提者當得作佛号曰名相當供無數萬億諸佛隨佛所行漸具大道最後身得三十二相端正姝妙猶如寶山其佛國土嚴淨第一衆生見者無不愛樂佛於其中度無量衆其佛法中多諸菩薩皆悉利根轉不退輪彼國常以菩薩莊嚴諸聲聞衆不可稱數皆得三明具六神通

任八解脫有大威德其佛說法現於無量  
神通變化不可思議諸天人民數如恒沙  
皆共合掌聽受佛語其佛當壽十二小劫  
正法住世二十小劫像法亦住二十小劫  
爾時世尊復告諸比丘衆我今語汝是大迦  
旃延於當來世以諸供具供養奉事八千億  
佛恭敬尊重諸佛滅後各起塔廟高千由旬  
縱廣正等五百由旬皆以金銀瑠璃磈磈碼  
碯真珠玫瑰七寶合成衆華纓絡塗香料香  
燒香繒蓋幢幡供養塔廟過是已後當復供  
養二萬億佛亦復如是供養是諸佛已具  
菩薩道當得作佛号曰閻浮那提金光如來

應供正徧知明行足善逝世間解無上士調  
御丈夫天人師佛世尊其土平正玻璃為地  
寶樹莊嚴黃金為繩以界道側妙華覆地周  
徧清淨見者歡喜無四惡道地獄餓鬼畜生  
阿脩羅道多有天人諸聲聞衆及諸菩薩無  
量萬億莊嚴其國佛壽十二小劫正法住世  
二十小劫像法亦任二十小劫亦時世尊欲  
重宣此義而說偈言

諸比丘衆皆一心聽如我所說真實無異  
是迦旃延當以種種妙好供具供養諸佛  
諸佛滅後起七寶塔亦以華香供養舍利  
其最後身得佛智慧成等正覺國土清淨

度脫無量 萬億衆生 皆爲十方 之所供養  
佛之光明 無能勝者 其佛号曰 閻浮金光  
菩薩聲聞 斷一切有 無量無數 莊嚴其國  
尔時世尊復告大衆我今語汝是大目捷連  
當以種種供具供養八千諸佛恭敬尊重諸  
佛滅後各起塔廟高千由旬縱廣正等五百  
由旬以金銀瑠璃碑磔碼碯真珠玫瑰七寶  
合成衆華纓絡塗香旃香燒香繒蓋幢幡以  
用供養過是已後當復供養二百萬億諸佛  
亦復如是當得作佛号曰多摩羅跋梅檀香  
如來應供正遍知明行足善逝世間解無上  
士調御丈夫天人師佛世尊劫名喜滿國名

意樂其土平正頗瓌爲地寶樹莊嚴散真珠  
華周徧清淨見者歡喜多諸天人菩薩聲聞  
其數無量佛壽二十四小劫正法住世四十  
小劫像法亦住四十小劫尔時世尊欲重宣  
此義而說偈言

我此弟子大目犍連捨是身已得見八千  
二百萬億諸佛世尊爲佛道故供養恭敬  
於諸佛所常修梵行於無量劫奉持佛法  
諸佛滅後起七寶塔長表金刹香華伎樂  
而以供養諸佛塔廟漸漸具足菩薩道已  
於意樂國而得作佛号多摩羅旃檀之香  
其佛壽命二十四劫常爲人天演說正法

聲聞無量如恒河沙。三明六通有大威德。菩薩無數志固精進。於佛智慧皆不退轉。佛滅度後正法當住四十小劫。像法亦尔。我諸弟子威德具足。其數五百。皆當授記。於未來世咸得成佛。我及汝等宿世因緣。吾今當說。汝等善聽。

妙法蓮華經化城喻品第七

佛告諸比丘。乃往過去無量無邊不可思議阿僧祇劫。尔時有佛名大通智勝如來。應供正遍知。明行足。善逝。世間解。無上士。調御丈夫。天人師。佛出世尊。其國名好。成劫名大。相諸比丘。彼佛滅度已來。甚大久遠。譬如三千大



千世界所有地種假使有人磨以爲墨過於  
東方千國土乃下一點大如微塵又過千國  
土復下一點如是展轉盡地種墨於汝等意  
云何是諸國土若筭師若筭師弟子能得邊  
際知其數不不也世尊諸比丘是人所經國  
土若點不點盡抹爲塵一塵一劫彼佛滅度  
已來復過是數無量無邊百千萬億阿僧祇  
劫我以如來知見力故觀彼久遠猶若今日  
今時世尊欲重宣此義而說偈言  
我念過去世 無量無邊劫 有佛兩足尊  
名大通智勝 如人以力摩 三千大千土  
盡此諸地種 皆悉以爲墨 過於千國土

乃下一塵點

如是展轉點

盡此諸塵墨

如是諸國土

點與不點等

復盡抹為塵

一塵為一劫

此諸微塵數

其劫復過是

彼佛滅度來

如是無量劫

如來無礙智

知彼佛滅度

及聲聞菩薩

如見今滅度

諸比丘當知

佛智淨微妙

無漏無所礙

通達無量劫

佛告諸比丘大通智勝佛壽五百四十萬億那由他劫其佛本坐道場破魔軍已垂得阿耨多羅三藐三菩提而諸佛法不現在前如是一小劫乃至十小劫結加趺坐身心不動而諸佛法猶不在前尔時忉利諸天先為彼

佛於菩提樹下敷師子座高一由旬佛於此  
坐當得阿耨多羅三藐三菩提適坐此座時  
諸梵天王雨衆天華面自由旬香風時來吹  
去萎華更雨新者如是不絕滿十小劫供養  
於佛乃至滅度常雨此華四王諸天爲供養  
佛常擊天鼓其餘諸天作天伎樂滿十小劫  
至于滅度亦復如是諸比丘大通智勝佛過  
十小劫諸佛之法乃現在前成阿耨多羅三  
藐三菩提其佛未出家時有十六子其第一  
者名曰智積諸子各有種種珍異玩好之具  
聞父得成阿耨多羅三藐三菩提皆捨所珍  
往詣佛所諸母涕泣而隨送之其祖轉輪聖

王與一百大臣及餘百千萬億人民皆共圍  
遶隨至道場咸欲親覲大通智勝如來供養  
恭敬尊重讚歎到已頭面禮足繞佛畢已一  
心合掌瞻仰世尊以偈頌曰  
大威德世尊 為度衆生故  
余乃得成佛 諸願已具足  
世尊甚希有 一坐十小劫  
靜然安不動 其心常恬怕  
究竟永寂滅 安住無漏法  
安隱成佛道 我等得善利  
衆生常苦惱 盲冥無導師  
不知求解脫 長夜增惡趣  
減損諸天衆  
於無量億劫  
善哉吉無上  
身體及手足  
未曾有散亂  
今者見世尊  
稱慶大歡喜  
不識苦盡道

從真入於真

永不聞佛名

今佛得最上

安隱無漏道

我等及天人

為得最大利

是故咸稽首

歸命無上尊

尔時十六王子偈讚佛已勸請世尊轉於法

輪咸作是言世尊說法多所安隱憐愍饒益

諸天人人民重說偈言

世雄無等倫

百福自莊嚴

得無上智慧

願為世間說

度脫於我等

及諸衆生類

為分別顯示

今得是智慧

若我等得佛

衆生亦復然

世尊知衆生

深心之所念

亦知所行道

又知智慧力

欲樂及修福

宿命所行業

世尊悉知已

當轉無上輪

佛告諸比丘大通智勝佛得阿耨多羅三藐  
三菩提時十方各有五百萬億諸佛世界六  
種震動其國中間幽冥之處日月威光所不  
能照而皆大明其中衆生各得相見咸作是  
言此中云何忽生衆生又其國界諸天宮殿  
乃至梵宮六種震動大光普照遍滿世界勝  
諸天光尔時東方五百萬億諸國土中梵天  
宮殿光明照曜倍於常明諸梵天王各作是  
念今者宮殿光明所未有以何因緣而現  
此相是時諸梵天王即各相詣共議此事時  
彼衆中有一大梵天王名救一切為諸梵衆  
而說偈言

我等諸宮殿

光明皆未有

此是何因緣

宜各共求之

為大德天生

為佛出世間

而此大光明

徧照於十方

爾時五百萬億國土諸梵天天王與宮殿俱各  
以衣裊盛諸天華共詣西方推尋是相見大  
通智勝如來處于道場菩提樹下坐師子座

諸天龍王、乾闥婆、緊那羅、摩睺羅伽人、非人  
等恭敬圍繞及見十六王子請佛轉法輪即  
時諸梵天王頭面禮佛繞百千匝即以天  
華而散佛上其所散華如須彌山并以供養  
佛菩提樹其菩提樹高十由旬華供養已各  
以宮殿奉上彼佛而作是言惟見哀愍饒益

我等所獻宮殿願垂納處時諸梵天王即於佛前一心同聲以偈頌曰

世尊甚希有 難可得值遇 具無量功德

能救護一切 天人之大師 哀愍於世間

十方諸衆生 普皆蒙饒益 我等所從來

五百萬億國 捨深禪定樂 爲供養佛故

我等先世福 宮殿甚嚴飾 今以奉世尊

惟願哀納受

尔時諸梵天王偈讚佛已各作是言惟願世

尊轉於法輪度脫衆生開涅槃道時諸梵天

王一心同聲而說偈言

世雄兩足尊 惟願演說法 以大慈悲力



度苦惱衆生

尔時大通智勝如來默然許之又諸比丘東南方五百萬億國土諸大梵天各自見見宮殿光明照曜皆所未有歡喜踊躍生希有心即各相詣共議此事時彼衆中有一大梵天王名曰大悲為諸梵衆而說偈言

是事何因緣

而現如此相

我等諸宮殿

光明皆未有

為大德天生

為佛出世間

未曾見此相

當共一心求

過千萬億土

尋光共推之

多是佛出世

度脫苦衆生

尔時五百萬億諸梵天王與宮殿俱各以衣

裨盛諸天華共詣西北方推尋是相見大通

智勝如來處于道場。喜提樹下坐師子座。諸  
天龍王。皀闍婆。緊那羅。摩睺羅伽。人非人等。  
恭敬圍遶。及見十六王子。請佛轉法輪時。諸  
梵天王。頭面禮佛足。繞百千帀。即以天華而  
散佛上。所散之華。如湏弥山。并以供養佛。喜  
提樹華。供養已。各以宮殿奉上。彼佛而作是  
言。惟見哀愍。饒益我等。所獻宮殿。願垂納處。  
尔時諸梵天王。即於佛前。一心同聲。以偈頌曰。  
聖王天中天。迦陵頻伽聲。哀愍衆生者。  
我等今敬禮。世尊甚希有。久遠乃一現。  
一百八十劫。空過無有佛。三惡道充滿。  
諸天衆減少。今佛出於世。為衆生作眼。

世間所歸趣

救護於一切

為衆生之父

哀愍饒益者

我等宿福慶

今得值世尊

尔時諸梵天王偈讚佛已各作是言惟願世

尊哀愍一切轉於法輪度脫衆生時諸梵天

王一心同聲而說偈言

大聖轉法輪

顯示諸法相

度苦惱衆生

令得大歡喜

衆生聞此法

得道若生天

諸惡道減少

忍善者增益

尔時大通智勝如來默然許之又諸比丘南

方五百萬億國土諸大梵王各自見宮殿光

明照耀皆所未有歡喜踊躍生希有心即各

相詣共議其事以何因緣我等宮殿有此光

曜而彼衆中有一大梵天王名曰妙法爲諸  
梵衆而說偈言

我等諸宮殿

光明甚威曜

此非無因緣

是相宜求之

過於百千劫

未曾見是相

爲大德天生

爲佛出世間

尔時五百萬億諸梵天王與宮殿俱各以衣

襪盛諸天華共詣北方推尋是相見大通智  
勝如來處于道場菩提樹下坐師子座諸天  
龍王軋闍婆緊那羅摩睺羅伽人非人等恭  
敬圍遶及見十六王子請佛轉法輪時諸梵  
天王頭面禮佛足遶百千帀即以天華而散  
佛上所散之華如須弥山并以供養佛菩提

樹華供養已各以宮殿奉上彼佛而作是言  
惟見哀愍饒益我等所獻宮殿願垂納處尔  
時諸梵天王即於佛前一心同聲以偈頌曰  
世尊甚難見 破諸煩惱者 過百三十劫  
今乃得一見 諸飢渴衆生 以法雨充滿  
皆所未曾覩 無量智慧者 如優曇鉢華  
今日乃值遇 我等諸宮殿 蒙光故嚴飾  
世尊大慈愍 惟願垂納受

尔時諸梵天王偈讚佛已各作是言惟願世  
尊轉於法輪今一切世間諸天魔梵沙門婆  
羅門皆獲安隱而得度脫時諸梵天王一心  
同聲以偈頌曰

惟願天人尊

轉無上法輪

擊于大法鼓

而吹大法螺

普雨大法雨

度無量衆生

我等咸歸請

當演深遠音

余時大通智勝如來默然許之西南方乃至

下方亦復如是余時上方五百萬億國土諸

大梵王皆悉自覩所止宮殿光明威曜皆所

未有歡喜踊躍生希有心即各相詣共議此

事以何因緣我等宮殿有斯光明時彼衆中

有一大梵天王名曰尸棄為諸梵衆而說偈言

今以何因緣

我等諸宮殿

威德光明曜

嚴飾未曾有

如是之妙相

皆所未聞見

為大德天生

為佛出世間

尔時五百萬億諸梵天王與宮殿俱各以衣  
棘盛諸天華共詣下方推尋是相見大通智  
勝如來處于道場菩提樹下坐師子座諸天  
龍王軋闍婆緊那羅摩睺羅伽人非人等恭  
敬圍遶及見十六王子請佛轉法輪時諸梵  
天王頭面禮佛足繞百千帀即以天華而散  
佛上所散之華如須弥山并以供養佛菩提  
樹華供養已各以宮殿奉上彼佛而作是言  
惟見哀愍饒益我等所獻宮殿願垂納處時  
諸梵天王即於佛前一心同聲以偈頌曰  
善哉見諸佛 救世之聖尊 能於三界獄  
勉出諸衆生 普智天人尊 哀愍群萌類

能開甘露門  
空過無有佛  
三惡道增長  
死多墮惡道  
色力及智慧  
失樂及樂想  
不蒙佛所化  
久遠時乃出  
超出成正覺  
喜歎未曾有  
今以奉世尊  
普及於一切

廣度於一切  
世尊未出時  
阿脩羅亦盛  
不從佛聞法  
斯等皆減少  
住於邪見法  
常墮於惡道  
哀愍諸衆生  
我等甚欣慶  
我等諸宮殿  
惟垂哀納受  
我等與衆生

於昔無量劫  
十方常暗冥  
諸天衆轉減  
常行不善事  
罪業因緣故  
不識善儀則  
佛爲世間眼  
故現於世間  
及餘一切衆  
蒙光故嚴飾  
願以此功德  
皆共成佛道



尔時五百萬億諸梵天王偈讚佛已各白佛  
言惟願世尊轉於法輪多所安隱多所度脫  
時諸梵天王一心同聲而說偈言

世尊轉法輪

擊甘露法鼓

度苦惱衆生

開示涅槃道

惟願受我請

以大微妙音

哀愍而敷演

無量劫習法

尔時大通智勝如來受十方諸梵天王及十  
六王子請即時三轉十二行法輪若沙門婆  
羅門若天魔梵及餘世間所不能轉謂是苦  
是苦集是苦滅是苦滅道及廣說十二因緣  
法無明緣行行緣識識緣名色名色緣六入  
六入緣觸觸緣受受緣愛愛緣取取緣有有

緣生生緣老死憂悲苦惱無明滅則行滅行  
滅則識滅識滅則名色滅名色滅則六入滅  
六入滅則觸滅觸滅則受滅受滅則愛滅愛  
滅則取滅取滅則有滅有滅則生滅生滅則  
老死憂悲苦惱滅佛於天人大衆之中說是  
法時六百萬億那由他人以不受一切法故  
而於諸漏心得解脫皆得深妙禪定三昧六  
通具八解脫第二第三第四說法時千萬億  
恒河沙那由他等衆生亦以不受一切法故  
而於諸漏心得解脫從是已後諸聲聞衆無  
量無邊不可稱數今時十六王子皆以童子  
出家而爲沙彌諸根通利智慧明了已曾供

養百千萬億諸佛淨修梵行求阿耨多羅三  
藐三菩提俱白佛言世尊是諸無量千萬億  
大德聲聞皆已成就世尊亦當為我等說阿  
耨多羅三藐三菩提法我等聞已皆共修學  
世尊我等志願如來知見深心所念佛自證  
知今時轉輪聖王所將衆中八萬億人見十  
六王子出家亦求出家王即聽許今時彼佛  
受沙彌請過二萬劫已乃於四衆之中說是  
大乘經名妙法蓮華教菩薩法佛所護念說  
是經已十六沙彌為阿耨多羅三藐三菩提  
故皆共受持諷誦通利說是經時十六菩薩  
沙彌皆悉信受聲聞衆中亦有信解其餘衆

生千萬億種皆生疑惑佛說是經於八千劫  
未曾休廢說此經已即入靜室住於禪定八  
萬四千劫是時十六菩薩沙彌知佛入室寂  
然禪定各昇法座亦於八萬四千劫為四部  
衆廣說分別妙法華經一一皆度六百萬億  
那由他恒河沙等衆生示教利喜令發阿耨  
多羅三藐三菩提心大通知智勝佛過八萬四  
千劫已從三昧起往詣法座安庠而坐普告  
大衆是十六菩薩沙彌甚為希有諸根通利  
智慧明了已曾供養無量千萬億數諸佛於  
諸佛所常修梵行受持佛智開示衆生令入  
其中汝等皆當數數親覲而供養之所以者

何若聲聞辟支佛及諸菩薩能信是十六菩  
薩所說經法受持不毀者是人皆當得阿耨  
多羅三藐三菩提如來之慧佛告諸比丘是  
十六菩薩常樂說是妙法蓮華經一一菩薩  
所化六百萬億那由他恒河沙等衆生世世  
所生與菩薩俱從其間法悉皆信解以此因  
緣得值四萬億諸佛出世尊于今不盡諸比丘  
我今語汝彼佛弟子十六沙彌今皆得阿耨  
多羅三藐三菩提於十方國土現在說法有  
無量百千萬億菩薩聲聞以為眷屬其二沙  
彌東方作佛一名阿闍在歡喜國二名須弥  
頂東南方二佛一名師子音二名師子相南

方二佛一名虛空任二名常滅西南方二佛  
一名帝相二名梵相西方二佛一名阿彌陀  
二名度一切世間苦惱西北方二佛一名多  
摩羅跋梅檀香神通二名須彌相北方二佛  
一名雲自在二名雲自在王東北方佛名壞  
一切世間怖畏本第十六我釋迦牟尼佛於娑  
婆國土成阿耨多羅三藐三菩提諸比丘我  
等為沙彌時各各教化無量百千萬億恒河  
沙等衆生從我聞法為阿耨多羅三藐三菩  
提此諸衆生于今有住聲聞地者我常教化  
阿耨多羅三藐三菩提是諸人等應以是法  
漸入佛道所以者何如來智慧難信難解小

時所化無量恒河沙等衆生者汝等諸比丘  
及我滅度後未來世中聲聞弟子是也我滅  
度後復有弟子不聞是經不知不覺菩薩所  
行自於所得功德生滅度想當入涅槃我於  
餘國作佛更有異名是人雖生滅度之想入  
於涅槃而於彼土求佛智慧得聞是經惟以  
佛乘而得滅度更無餘乘除諸如來方便說  
法諸比丘若如來自知涅槃時到衆又清淨  
信解堅固了達空法深入禪定便集諸菩薩  
及聲聞衆爲說是經世間無有二乘而得滅  
度惟一佛乘得滅度耳比丘當知如來方便  
深入衆生之性知其志樂小法深著五欲爲

是等故說於涅槃是人若聞則便信受譬如  
五百由旬險難惡道曠絕無人怖畏之處若  
有多衆欲過此道至珍寶處有一導師聰慧  
明達善知險道通塞之相將導衆人欲過此  
難所將人衆中路懈怠白導師言我等疲極  
而復怖畏不能復進前路猶遠今欲退還導  
師多諸方便而作是念此等可愍云何捨大  
珍寶而欲退還作是念已以方便力於險道  
中過三百由旬化作一城告衆人言汝等勿  
怖莫得退還今此大城可於中止隨意所作  
若入是城仗得安隱若能前至寶所亦可得  
去是時疲極之衆心大歡喜歎未曾有我等



今者免斯惡道。快得安隱。於是衆人前入化城。生已度想。生安隱想。尔時導師知此人衆。既得止息。無復疲倦。即滅化城。語衆人言。汝等去來寶處。在近向者。大城我所化作爲止息耳。諸比丘。如來亦復如是。今爲汝等作大導師。知諸生死煩惱。惡道險難。長遠應去。應度。若衆生但聞說一佛乘者。則不欲見佛。不欲親覲。便作是念佛道長遠。久受勤苦。乃可得成佛。知是心怯弱下劣。以方便力。而於中道爲止息。故說二涅槃。若衆生住於二地。如來尔時即便爲說。汝等所作未辦。汝所住地。近於佛慧。當觀察籌量。所得涅槃。非真實也。

但是如來方便之力於一佛乘分別說三如  
彼導師爲止息故化作大城旣知息已而告  
之言寶處在近此城非實我化作耳尔時世  
尊欲重宣此義而說偈言

大通智勝佛

十劫坐道場

佛法不現前

不得成佛道

諸天神龍王

阿脩羅衆等

常雨於天華

以供養彼佛

諸天擊天鼓

并作衆伎樂

香風吹萎華

更雨新好者

過十小劫已

乃得成佛道

諸天及世人

心皆懷踊躍

彼佛十六子

皆與其眷屬

千萬億圍遶

俱行至佛所

頭面禮佛足

而請轉法輪

聖師子法雨

充我及一切

世尊甚難值

久遠時一現

為覺悟群生

震動於一切

東方諸世界

五百萬億國

梵宮殿光曜

皆所未曾有

諸梵見此相

尋來至佛所

散華以供養

并奉上宮殿

請佛轉法輪

以偈而讚歎

佛知時未至

受請默然坐

三方及四維

上下亦復亦

散華奉宮殿

請佛轉法輪

世尊甚難值

願以本慈悲

廣開甘露門

轉無上法輪

無量慧世尊

受彼眾人請

為宣種種法

四諦十二緣

無明至老死

皆從生緣有

如是眾過患

汝等應當知

宣暢是法時

六百萬億姪

得盡諸苦際

皆成阿羅漢

第二說法時

千萬恒沙衆

於諸法不受

亦得阿羅漢

從是後得道

其數無有量

萬億劫筭數

不能得其邊

時十六王子

出家作沙彌

皆共請彼佛

演說大乘法

我等及營從

皆當成佛道

願得如世尊

慧眼第一淨

佛知童子心

宿世之所行

以無量因緣

種種諸譬喻

說六波羅蜜

及諸神通事

分別真實法

菩薩所行道

說是法華經

如恒河沙偈

彼佛說經已

靜室入禪定

一心一處坐

八萬四千劫

是諸沙彌等

知佛禪未出

為無量億衆

說佛無上慧

各各坐法座

說是大乘經

於佛宴後  
所度諸衆生  
彼佛滅度後  
常與師俱生  
今現在十方  
各在諸佛所  
我在十六數  
引汝趣佛慧  
令汝入佛道  
迥絕多毒獸  
無數千萬衆  
經五百劫

宣揚助法化  
有六百萬億  
是諸聞法者  
是十六沙弥  
各得成正覺  
其有任聲聞  
曾亦為汝說  
以是本因緣  
慎勿懷驚懼  
又復無水草  
欲過此險道  
時有一導師

一一沙弥等  
恒河沙等衆  
在在諸佛土  
具足行佛道  
尔時聞法者  
漸教以佛道  
是故以方便  
今說法華經  
譬如險惡道  
人所怖畏處  
其路甚曠遠  
強識有智慧

明了心一定 在險濟衆難 衆人皆疲倦  
而白導師言 我等今頓乏 於此欲退還  
導師作是念 此輩甚可愍 如何欲退還  
而失大珍寶 尋時思方便 當設神通力  
化作大城郭 莊嚴諸舍宅 周市有園林  
渠流及浴池 重門高樓閣 男女皆充滿  
即作是化已 慰衆言勿懼 汝等入此城  
各可隨所樂 諸人既入城 心皆大歡喜  
皆生安隱想 自謂已得度 導師知息已  
集衆而告言 汝等當進前 此是化城耳  
我見汝疲極 中路欲退還 故以方便力  
權化作此城 汝今勤精進 當共至寶所

我亦復如是 為一切導師 見諸求道者  
中路而懈廢 不能度生死 煩惱諸險道  
故以方便力 為息說涅槃 言汝等苦滅  
所作皆已辦 既知到涅槃 皆得阿羅漢  
尔乃集大眾 為說真實法 諸佛方便力  
分別說三乘 惟有一佛乘 息處故說工  
今為汝說實 汝所得非滅 為佛一切智  
當發大精進 汝證一切智 十力等佛法  
具三十二相 乃是真實滅 諸佛之道師  
為息說涅槃 既知是息已 引入於佛慧

添品妙法蓮華經卷第三

樹

添品法苑經三卷

卉許鬼反 | 澍音注 | 洽音咸 | 晃音上 | 曜音胡 | 廣音反

愛音雲 | 暄音會 | 邃音深 | 醉音反 | 甘蔗音夜 | 之音反

菟音桃 | 枯音考 | 有音盛 | 盛音下 | 成音貯 | 瘡音於 | 禁音宵

中水踰閣音羊 | 或音云 | 旬音其 | 義音皆 | 同音一 | 踰音云 | 閣音那 | 縶音那

三音十 | 真音字 | 凡音礫 | 曆音下 | 荆音上 | 棘音居 | 力音反 | 京音下 | 堆音上 | 阜音丁

石音反 | 回音下 | 無音上 | 悚音吉 | 慄音反 | 佈音反 | 懼音也 | 良音下 | 沫音音 | 堇音音

於音為 | 反音也 | 涕音目 | 泣音上 | 體音也 | 憚音下 | 怕音上 | 徒音敢 | 反音一 | 音音自

衣音作 | 襟音下 | 居音力 | 反音得 | 交音衣 | 領音也 | 正音也 | 納音音 | 處音下 | 尺音與 | 反音也

怯音下 | 弱音去 | 劫音反 | 得音反 | 古音哀 | 反音也 | 數音也 | 反音也 | 納音音 | 處音下 | 尺音與 | 反音也

焉音也 | 為音反 | 涕音目 | 泣音上 | 體音也 | 憚音下 | 怕音上 | 徒音敢 | 反音一 | 音音自

焉音也 | 為音反 | 涕音目 | 泣音上 | 體音也 | 憚音下 | 怕音上 | 徒音敢 | 反音一 | 音音自

樹



